

卷之四

聖製

顯宗

賜石右相琚生日之壽
大定辛酉丞華殿書



黃閣今姚宋青宮舊綺園
繡絳歸里社冠蓋畫都門
善訓懷師席深仁寄壽尊
所期河潤溥餘福被元元

山陽民家有

上御書一詩云心與寥寥太古通
手隨輕籟入天風
山長水闊尋無處聲在亂雲空
碧中此詩無篇題不知何人作
及見唐高駢賦風箏云
夜靜絃聲響碧空宮商信任往來風
依稀似曲才堪聽又被移將別調中
乃知

上所書蓋風箏詩而又次駢韻者也姑存之
以俟更考

章宗

雲龍川泰和殿五月牡丹

洛陽穀雨紅千葉嶺外朱明玉一枝地力發生雖有異
天公造物本無私

中州甲集第一

宇文大學虛中

五十首

吳學士激二十五首

張秘書斛一十八首

蔡丞相松年五十九首

蔡太常珪四十六首

高內翰士談三十首

馬御史定國三十一首

宇文大學虛中

虛中字叔通成都人宋黃門侍郎以奉使見留仕為翰
林學士丞旨皇統初上京諸虜俘謀奉叔通為帥率兵
仗商奔事覺繫詔獄諸貴先被叔通嘲笑積不平必欲
殺之乃鍛鍊所藏圖書為反具叔通嘆曰死自吾分至
於圖籍南來士大夫家例有之喻如高待制士談圖書

尤多於我家豈亦反邪有司丞風旨并冥士談極刑人
至今寃之

鄭下趙光道與余有十五年家世之舊守官
代郡之崞縣間余以使事羈留平城與諸公
相從皆一時英彥遂以應舉自免去駕短轅
下澤車驅一僮二驢扶病以來相聚凡旬日
而歸昔白樂天與元微之偶相遇於夷陵峽
口既而作詩叙別雖憔悴哀傷感念存沒至
歎泣不能自已而終篇之意蓋亦自開慰况
吾輩今日可無片言以識一時之事邪因各
題數句而余為之叙夜將半各有酒所語不

復鍛鍊要之皆肺腑中流出也

光道名晦時為代州士曹善篆隸詩筆高
雅有集傳河東今不復見矣

窮愁詩滿篋孤憤氣填胸脫身枳棘下顧我雪窖中竟
日朋合簪論文一樽同翻然南飛燕卻背北歸鴻人生
悲與樂倚伏如張弓莫言竟憤憤作書怨天公

古劍行為劉善長作

公家祖皇提三尺素靈中斷開玉迹自從武庫衝屋飛
化作文星照東壁夫君安得此龍泉秋水湛湛浮青天
夔魑奔喘曷強護中夜躍出光蜿蜒拄頤搥具男兒飾
彈鋏長歌氣填臆嶙峋折檻霽天威將軍拜伏姦臣泣

龍泉爾莫矜雄銜不見烏盡良弓藏會當鑄汝為農器
一劍不如書數行

白菊

西風蕭颯百草黃南齋白菊占秋芳主人好事不專饗
擷送客館分幽香幽香清豔兩難得冰雪肌膚龍麝裊
悄然坐我藥珠宮玉斧瑤姬皆舊識仙家菡萏名日精
我今号爾為月英月中風露秋夕好感此仙種來曾城
憑君傳與金天令月與霜姿駐清景重陽好伴白衣來
五柳先生憶三逕

還舍作

燕山歸來頭已白自笑客中仍作客此生悲歡不可料

况復吾年過半百故人驚我酒尚狂為洗餅壘貯春色
酒闌人散月盈庭靜聽清渠流瀨瀨

庭下養三鴛鴦忽去不反戲為作詩

先生久忘機為爾虞繒繳一朝長羽翮萬里翔寥廓誰
信惡溝鵠忽作華表鶴豈無三玉鏤遺音嗣黃雀

予寫金剛經與王正道正道與朱少章復以

詩來輒次二公韻

次正道韻

平生幸識繫珠衣窮走伯鄉未得歸有客為傳祇樹法
此心便息漢陰機百年三昧一門入四十九年諸是非
寄與香山老居士要憑二義發餘輝

次少章韻

前世曾為粥飯僧此生隨處且騰騰
經中因認人我相教外都忘大小乘
寫去欲云居士頌信來如續祖師燈
佗年辱贈茅庵句誰謂因緣昔未曾

郊居

芒屨松冠野外裝茶鐺藥竈靜中忙
含風荇逐波紋展着雨花連土氣香
停策仰簷朝覓句披襟穿樹晚追涼
蓬蒿似欲荒三逕踈懶誰知意更長

歲寒堂

洞戶延清吹庭除貯綠陰不隨風月媚
肯受雪霜侵潤入珠泉爽聲傳玉帳
深主人留勝賞同此歲寒心

重陽旅中偶記二十年前二詩因而有作

舊日重陽厭旅裝而今身世更悲涼
愁添白髮先春雪淚着黃花助晚霜
客館病餘紅日短家山信斷碧雲長
故人不恨村醪薄乘興能來共一觴

春日

北洹春事休嗟晚三月尚寒花信風
遙憶東吳此時節
浦江鴨綠弄殘紅

已丑重陽在劔門梁山鋪

兩年重九皆羈旅萬水千山厭遠游
白酒黃花聊度日青萍綠綺共忘憂
却憐風雨梁山路不似尊鱸楚澤秋
何必東臯是三逕此身天地一虛舟

生日和甫同諸公載酒袖詩為禮感佩之餘

以詩爲謝

詞人詩句壓離騷按膝長吟意自豪袖裏虹蜺衝霽色
筆端風雨駕雲濤將衰難稱千年祝增重虛蒙隻字褒
太史已應飛急奏文星偏傍使星高

和題稽古軒

堆架繚紉粲部君眼前長物掃無餘避器肯要鄰人卜
論友先尋上世書汲古不須憂綆短隨波聊復任舟虛
勿欺丈室纔容膝六合神游有日車

已酉歲書懷

去國恁恁遂隔年公私無益兩茫然當時議論不能固
今日窮愁何足憐生死已從前世定是非留與後人傳

孤臣不爲沉湘恨悵望三韓別有天

涇王許以酒餉龍溪若人幾月不至以詩促
之龍溪叔通別號也

先生寂寞草玄文正要侯巴作富鄰客至但須樽有酒
日高不怕甌生塵急催嶺外傳梅使來餉籬邊采菊人
已掃明窓供點筆爲君擬賦洞庭春

從人借琴

嶧陽慣聽鳳鷄鳴瀉出冷然萬籟聲已厭笙篁非雅曲
幸從炊爨脫餘生昭文不鼓緣何意靖節無絃且寄情
乞與南冠囚繫客爲君一奏變春榮

過居庸關

奔峭從天折懸流赴壑清路回穿石細崖裂與藤爭花
已從南發人今又北行節旄都落盡奔走愧平生

晚宿耀武關

山與煙雲暝溪兼冰雪流寒枝啼結鞠煬室聚啞嚙此
日征行困何時喪亂休尚矜爭席好無復舊鳴騶

安定道中

落日塵埃壯陰風天地昏牛羊爭隘道鳥雀聚空村跛
曳傷行役光華誤主恩未甘遲暮景伏櫪意猶存

上烏林天使三首

平生隨牒浪推移只爲生民不爲私萬里翠輿猶遠播
一身幽圖敢終辭魯人除館西河外漢使驅羊北海湄

紱
紱
紱

不是故人高議切肯來軍府問鍾儀

拭玉轅門吐寸誠敢將紱頰沮天兵雷霆儻肯矜彫弊
草芥何須計死生定鼎未應周命改登壇合許趙人平

知君妙有經邦策存取威懷萬世名

當時初結兩朝歡曾見軍前捧血槃本爲萬年依蔭厚
那知一日遽盟寒羊牽已作俘囚猷魚漏終期網罟寬
幸有故人知底蘊下臣獲考敢謀安

姑蘇滕惇札榜所居閣曰齋心成都宇文某
作詩以廣其意

不是憑虛避世喧此中於物本無緣靜看畏影徒勞爾
題作齋心亦且然意識已隨言語斷生涯聊任歲時遷

老夫未涉天游趣三復南華第四篇

和高子文秋興二首

沙碧平猶漲霜紅粉已多駒年驚過隙鳧影倦隨波散
步雙扶老棲身一養和羞看使者節甘荷牧人蓑好問按養

和凡名事見江湖散人集扶老見歸去來辭

搖落山城暮棲遲客館幽葵衰前日雨菊老異鄉秋自
信浮沉數仍懷願望愁蜀江歸棹在浩蕩逐春鷗

又和九日

老畏年光短愁隨秋色來一持旌節出五見菊花開強
忍玄猿淚聊浮綠蟻盃不堪南向望故國又叢臺室

中秋覓酒

今夜家家月臨筵照綺樓那知孤館客獨抱故鄉愁感
激時難遇謳吟意未休應分千斛酒來洗百年憂

四序回文十二首

春

短草鋪茸綠殘梅照雪稀暖輕還錦褥寒峭怯羅衣
翠漣冰綻日香徑晚多花細笋抽蒲密長條舞柳斜
折花幽檻小傾酒綠盃深蝶舞輕風曉鶯啼老樹陰

夏

翠密圍窓竹青圓貼水荷睡多嬌晝永醒少得風和
草徑迷深綠蓮池浴膩紅早蟬鳴樹曲鮮鯉躍潭東
暴雨隨雲驟驚雷隱地平好風搖箬透輕汗浥冰清

秋

晚日欣簾捲涼風覺袂搖遠吟高興遣長醉宿愁銷
短簫依殘雨虛舟帶晚潮斷鴻歸暗浦踈葉墜寒稍
慙慙蒼吟若茫茫水驛孤日銜山色暮霜帶菊叢枯

冬

鷓鴣呼風急鳥啼促景殘窟深宜兔蟄蒲折蔭魚寒
裂瓦寒霜重鋪窓月影清滅燈驚好夢孤枕念深情
秀栢留陰綠芳梅蘸影斜溜簷冰結玉裝樹雪飛花

燈碑五首

清陰靄靄匝城闈萬井熙熙桃杏春紫陌傳呼旌旆出
重臣新佩玉麒麟

鈿車天章拜異恩驕驂花騎映朝曦手持禁鑰千門肅
官壓東宮二品尊

壘原清照白登山彌隴連天麥浪寒
人家只識勸農官

九夏南風入舜琴恩風澤雨浹飛沉陪京最是儀形地
先識君王解愠心

抱鼓無聲訟獄空懼謠擊壤萬家同時人共解班春意
兵寢刑清第一功

館中書事

雨來蒸爨似江鄉雨過西風特地涼尚有庭花共客恨
可無尊酒慰幽芳

杞

時習齋

未厭平生習氣濃更將餘事訓兒童魯論二萬三千字
悟入從初一句中

醉經齋

傍人但笑腹便便枕藉詩書正晝眠不識先生眞悟處
未離文字已逃禪

醉墨齋

旋汲清泉起縠紋定知婁未是前身箇中自可逃眞性
不用淋漓污葛巾

烏夜啼

汝琴莫作歸鳳鳴汝曲莫裁白鶴怨明珠破壁掛高城

上有烏啼人不見堂中蠟炬紅生花門前紺幘七香車
博山夜長香燼冷悠悠蕩子留倡家妾機尚餘數梭錦
織恨傳情還未忍城烏爲我盡情啼知道單棲泪盈枕

吳學士激

激字彥高宋宰臣拭之子王履道外孫而米芾元章婿
也工詩能文字畫得其婦翁筆意將命帥府以知名留
之仕爲翰林待制出知深州到官三日而卒有東山集
十卷并樂府行于世東山其自號也出散關詩云春風
蜀棧青山盡曉日秦川綠樹平念南澗水墨以詩寄之
云煙拂雲稍留淡白雲蒸山腹出深青三衢夜泊云山
侵平野高低樹水接晴空上下星太清宮云玉座煙霞

春寂寂石壇星斗夜蒼蒼呈正甫云手版西山聊復爾
角巾東第定何時遊南溪潭云竹院鳴鍾疑物外畫橋
流水似江南飛瀑巖云數樹殘花喜春在一聲啼鳥覺
山深詠鄭郎故伎云玉雪自知塵不涴丹青難寫酒微
醺送樂之侍郎云四海蒼生謝安石一言宣室賈長沙
送韓鳳閣使高麗云海東絕域皇華使天上仙官碧落
卿偶題云江湖歌枕夢風雪打窓時此類甚多樂府夜
寒茅店不成眠南朝千古傷心事誰挽銀河等篇自當
爲國朝第一手而世俗獨取春從天上來謂不用他韻
風流子取對屬之工豈真識之論哉

山中見桃花李花

錦里春風徧海棠別時無計柰紅芳山中桃李渾疑晚
猶有殘花漸客腸

長安懷古

佳氣猶能想鬱葱雲間雙闕峙蒼龍春風十里霸陵樹
曉月一聲長樂鍾小苑花開紅漠漠曲江波漲碧溶溶
眼前疊嶂青如畫借問南山共幾峯

宿湖城簿廳

日遲風暖燕飛飛古柳高槐面翠微卷上踈簾無一事
蒲池春水照薔薇

窮巷

窮巷無來轍貧家有舊醅
牕明怜雪在睡美覺春回菜

甲方齊拆梅花亦半開
茅簷鳴好鳥
節物莫相催

偶成二首

一番瘦筍羽林槍
松架陰陰盡日涼
繞屋雲煙無定態
連山草木有真香
蟹湯免盞鬪旗槍
風雨山中枕簟涼
學道窮年何所得
只工掃地與燒香

病後寄開父

暗蛩咽幽響
隙月漏微光
溪上風雨過
脩然有餘涼
病瘦鶴骨立
伛垂不能翔
懷我中山兄
開經焚道香
猿嘯耿清夜
鍾鳴悠夕陽
商秋早
晚至夢寐松楸蒼

過南湖偶成

杏山松檜紫坡陀
湖面無風亦自波
綠鬢朱顏嗟老矣
落花啼鳥奈春何
詩人未必皆憔悴
世事從來有折磨
列坐流觴能幾日
知誰對酒愛新鵝

夜泛渦河龍潭

輕舟弄素月
靜夜橫清渦
天風毛髮亂
踈星燦明河
圖經記父老
冥冥年歲多
淵沉三千丈
湛碧寒無波
微流帶文藻
絕岸無柔莎
烟如帝鴻鏡
可鑒不可磨
中蟠至神物
役使羣蛟鼉
蜿蜿頭角古
勁鬣誰敢刺
深宮照珠具
頗費蚌與螺
何時葛陂竹
化作陶公梭

秋興

後園雜樹入雲高
萬里長風夜怒號
憶向錢塘江上寺

春 綻

松窓竹閣瞰秋濤

晚春言懷寄燕中知舊

閑雲洩洩日暉暉
林斧谿春響翠微
天氣乍晴花滿樹
人家久住燕雙飛
鄰村社後容借酒
客舍新來未綻衣
遙憶東郊亭畔柳
歸時相見亦依依

歲暮江南四憶

瘦梅如玉人一笑
江南春照水影如許
怕寒粧未勻花
中有仙骨物外見
天真驛使無消息
憶君清淚頻
天南家萬里江上
橘千頭夢繞閭門
迥霜飛震澤秋秋
深宜映屋香遠解
隨舟懷袖何時獻
庭闈底處愁
吳松潮水平月上
小舟橫旋斫四腮
鱸未輸千里羨
擣

麝香不厭照箸雪
無聲幾見秋風起
空悲白髮生
平生把鰲手遮日
負垂竿浩渺渚
田熟青莢漁火寒
憶看霜菊艷不放
酒盃乾比老垂涎
處糟臍箇箇團

述懷

旅食空彈鋏歸休
合掛冠煙塵榆塞
遠風雨麥秋寒巢
燕長如客鳴蛙不
屬官柴門江漲到
落日下漁竿

喜晴和張魯瞻

原野悅新沐豐隆
寧世情鳥歸林靄
暝撲射澗虹明春
草牛羊遠人家機
杼鳴慘舒長有命
誰復問陰晴

國公女生日席上命賦

雪射瑤堦月春回
玉女扉雲中三秀
草石上六銖衣酒

熟鵝兒色身輕燕子飛客槎還泛斗誰解卜揶揄

秋夜

豈有涓埃補盛明強扶衰病厠豪英夜窓燈火青相對
曉鏡鬢鬢白幾莖年去年來還似夢江南江北若爲情
石田茅舍君家近借與林泉送此生

招趙資深捨遺

別久兒逾壯道同心更親移居近常杜相對邈參辰雪
少似饒客鳥喧知得春歸期淹幾日莫厭馬蹄頻

同兒曹賦蘆花

天接蒼蒼渚江涵裊裊花秋聲風似雨夜色月如沙澤
國幾千里漁村三兩家翻思杏園路鞭裊帽簷斜

張戡北騎

張生鞍馬客幽都却笑靈光筆法麤秭今白首風沙裏
憶向江南見畫圖

早春

寂寂重寂寂出門春草齊晚芳猶着樹江漲欲平溪山
暝有時雨村深何處雞遠山綠底恨故作傍人低

雞林書事

箕子朝鮮僻蓬丘弱水寬儒風通百粵舊史記三韓邑
聚居巢慣夷裝被髮安猶存古籩豆兼用漢衣冠免頽
家工縛鮭腥俗嗜餐騎兵腰玉具府衛夾金丸長袖爲
窺肉都場穴掛竿琴中蔡氏弄指下祝家彈主禮分庭

抗賓筵百拜難漬橙粒釀旨滋桂鹿脩乾潑墨松如櫛
墮墮石似丹地偏先日出天迫衆山攢鵬翼雲帆遠羊
腸石磴盤由來異文軌休訝變暄寒事可資談柄誰能
記筆端聊將詩逸取歸作畫圖看

題宗之家初序瀟湘圖

江南春水碧於酒客子往來船是家忽見畫圖疑是夢
而今鞍馬老風沙

張秘書斛

斛字德容漁陽人仕宋爲武陵守國初理索北歸官祕
書省著作郎有南游北歸等詩行于世漁陽有峒陽故
詩中多及之如賦小孤山云天園秋漲閣山背夕陽孤

岸樹晴猶濕汀煙近却無巫山對月云雲開千里月風
動一天星河池出郭云細草沙邊樹疎煙嶺外村中江
縣樓云綠漲他山雨青浮近市煙中秋云月色四時好
人心此夜偏松門峽云春木有李色野雲無俗姿賦禮
部侍郎張浩然遼海亭云晴光搖碧海遠色帶滄洲又
賦臨漪亭云雨聲喧暮島水色借秋空秋興樓云碣石
晚風催鴈急昭邨寒漲與雲平人多誦之予嘗見其文
筆字畫皆有前輩風調宇文大學甚激賞之

沙邊

晚雨漲平堤沙邊獨杖藜長風催鴈北衆水避潮西楚
客相逢少吳天入望依故園無路到春草自萋萋

東川春日

巴蜀三年客江湖萬里情滄波何處盡歸棹幾時行世
態浮雲變春愁細草生羣山遮望眼片月上高城

巫山對月懷湖外親友

衆壑斂新雨孤舟增暮寒巫山今夜月湘水幾人看不
得臨湖醉惟愁下峽難雙魚憑寄遠尺素勸加餐

武陵春雪

天風吹雪滿千山不見桃花泛碧瀾洞裏仙人貪種玉
豈知人世有春寒

盧臺峭帆亭

高秋客未還何處望鄉關喬木蒼煙外孤亭落照間雨

晴山覺近潮滿水如閑目斷峒陽路歸雲不可攀

高寺

高寺鳴鐘後孤舟落鴈邊已知歸遲晚故就上方眠石
峻溜聲急月高松影圓明朝下煙靄迴首阻清川

寓中江縣樓

武江斜轉石文岫獨參天皆文選綠漲他山雨青浮近市
煙松薪炊白粲水蔓繫紅鮮自喜飄蓬跡安居過兩年

迴文二首

野曠悲行客湍驚礙去舩夜江清泛月秋草碧連天
綠逕斜縈草紅稍半落花曲池風碎月歌岸雨摧沙

仙門驛聽泉

一亭園古木雙礪瀉清流行到雲山暮卧聞風雨秋客
塵何日浣病渴此時瘳歸去南溪上輕舟細浪浮

夜雨南山

雨夜宿山齋夜深雨聲息石室含餘清風枝墮殘滴

平安閣道中二首

高林俯青冥柯葉森若織陽光已轉午陰嶺仍半黑峰
嶒亂石間行子有苦色臨深地勢入涉險天宇塞四顧
無所投迹蠶去未息悵然增百憂冥冥羨歸翼

窮冬十日陰積雪千山路晴雲開半嶺落日猶在樹悠
悠客心速慘慘天色暮寒鳥各有依解鞍尚無處游魚
誤銜鈎玄豹終隱霧行行謝冠冕復我林壑趣

將渡江

無數飛花委路塵不堪重醉楚城春明朝回首江南岸
煙雨昏昏不見人

還家

雲林無俗姿相對可終老如何塵中人不見青山好

訪香林老

風雨無時浪蹴天南浮舟楫信多艱半生夢破寒江月
萬里春回故國山歸客自傷青鬢改高僧長共白雲閑
誅茅借我溪西地未厭相從水石間

海邊亭爲浩然賦

夙有滄洲趣雲扃夢幾回臨深疑地盡望遠覺天開月

湧冰輪出濤翻雪陣來無機同海客鷗鳥莫相猜

南京遇馬文朝美

浮雲久與故山違茅棟如存尚可依
行路相逢初似夢舊游重到復疑非
滄江萬里悲南渡白髮幾人能北歸
二十年前河上月尊前還共惜清輝

蔡丞相松年

松年字伯堅父靖宋季守燕山仕國朝為翰林學士伯
堅行臺尚書省令史出身官至尚書右丞相鎮陽別業
有蕭閑堂自號蕭閑老人薨謚文簡百年以來樂府推
伯堅與吳彥高號吳蔡體有集行于世其一自序云王
夷甫神情高秀宅心物外為天下稱首言少無宦情使

其雅詠玄虛不經世務超然遂終其身則亦何必減秘
阮輦而當衰世頽俗力不可為之時不能遠引高蹈顛
危之禍卒與晉俱為千古名士之恨又嘗讀山陰詩引
考其論古今感槩事物之變既言脩短隨化期于共盡
而世殊事異興懷一致則死生終始物理之常正當乘
化歸盡何足深歎乃區區列叙一時述作刊紀歲月豈
逸少之清真簡裁亦未盡忘情於此耶故因作歌併及
之好問按此歌以離騷痛飲為首句公樂府中最得意
者讀之則其平生自處為可見矣二子珪字正甫璋字
特甫俱第進士號稱文章家正甫遂為國朝文宗特甫
非其比也自大學至正甫皆有書名其筆法如出一手

前輩之貴家學蓋如此

晚夏驛騎再之涼陘觀獵山間往來十有五

日因書成詩

兜羅葱鬱浮空青曉日馬頭雙眼明
名山不作世俗態千里傾蓋來相迎
老松閱世幾千尺玉骨冷風戰天碧
應笑年年空往來塵土勞生種陳迹
山回晚宿一川花剪金裁碧明煙
沙寒鄉絕艷自開落故慰寂寞無流霞
明日行營獵山麓古樹寒泉更深綠
強臨水玉照鬢毛只恐山靈怪吾俗
陂潮不盡水如天清波白鷗自在眠
平時朝市手遮日思把一竿呼釣船
驛騎回時山更好過雨秋容靜如掃
山英知我宦游心爲出清光慰枯槁

可憐歲月易侵尋慙愧山川知我心
一行作吏豈得已歸意久在西山岑
他年俗累粗能畢雲水一區供老佚
舉盃西北酌山川爲道此言吾不食

漫成

人生各有適一受不可更違已
欲徇世憂患常相嬰三軍護漢將
九鼎調蒼生功名豈不美強之輒無成
朝昏忘寢食俯仰勞心形何如從所好
足以安餘齡予也一丘壑野性真難名
力懦謝提劍才拙慙窮經踈放已成癖
紛華誰與爭驚鹿便草豐白鷗願江清
不堪行作吏萬累方營營夜慮多俗夢
曉枕無餘醒拄頰西山語適意千里羹
塵土走歲月秋光浮宦情欲語箇中趣
知音

耿晨星世途古今險方寸風濤驚封侯有骨相使鬼須
銅腥誓收此身去田園事春耕

淮南道中

南楚二月雨淮天如漏卮畏塗泥三尺車馬真雞棲却
思閑居樂雨具無所施高枕聽簷聲爐煙暈如絲
吾年過五十所過知前非顏鬢日蒼蒼老境行相追擦
棹聽俯仰隨人欲何為歸計勿悠悠出處吾自知
南渡國不競晉民益瘡痍陶翁遂超然不忍啜其醜此
窓談清風慨望犧皇時道喪可奈何抱琴酒一卮
三年鎮陽遊春歸綠扶踈櫻笋媚園林日長閑枕書行
復當此時涼塵暗歸塗會洗醪醖雪月波浮祕壺

鎮陽亘西南山河在圖畫花雨草煙間人家或僧舍經
行每悵然真賞知未暇待子藍輿歸香火復蓮社

丁巳九月夢與范季霑同登北潭之臨芳亭

覺而作詩記其事以示范

高陵五六松潭水涵清陰白鳥如避世巢居得幽深雜
花眩青紅苦節方森森何人作虛亭想像雲樓心我夢
成陳迹君亦同登臨相與定嘉名洗去花草淫看雲撫
修碧夕景低遙岑風林淡秋月霜枝鳴玉琴兩意誰識
之好處煩幽尋閑居志則同歲月能駸駸時無陶彭澤
此曲難知音亭前有奇石遷流失山林願亦如我曹躋
髮風沙浸小兒重外物列屋享千金區區心甚長因循

困華簪忽焉事大謬危機恐難任平生下澤車斯言吾
所欽志士願不辱俗情便孔壬自喜迹猶淺鳧雁容浮
沉沉行自蕭散世路皆崎嶇此邦真可老城郭環清潯
結廬與君俱開寫平生襟里巷日還往杖屨行謳吟還
尋燕遊處無志神所箴

庚申閏月從師還自穎上對新月獨酌

伊昔三年前淫雨催行軫青燈忽今夕華屋映高秋華
屋亦何爲百年竟山丘適意在歸與肉食非我謀
大塊本何事遑遑勞一生所過種陳迹歲月如流星貪
夫甘死禍福畀馳虛名晉室有先覺柴桑老淵明
我家恒山陽山光碧無賴月窟陰風篔十里瀉彭湃茲

焉有樂地不去欲誰待自要塵網中低眉受機械
人言歸甚易但苦食不足必使極其求萬鍾不盈腹處
世附所安無禍即無福却視高蓋車身寵神已辱
我本山澤人孤煙一輕蓑功名無骨相彫琢傷天和未
能遷免俗尚爾同其波梧桐喚歸夢無奈秋聲何
孟夏幽州道上陘車轆轤旌旗却南行飛電隨馬足行
窮清潁水不辨洗蒸溽吾生豈匏瓜一笑爲捧腹
燈花何太喜似報天雨霽客情念還家如瞽不忘視到
家問松菊早作解官計青鏡髮蕭蕭及此霜雪未
鳴蛙屬官私庸兒固可笑江山本誰爭但苦滯不早物
情開始見宛轉爲君好區區乞鑑湖多事憐賀老

天下任之重人物古難得誰爲經濟才有亦未易識吾
曹與雞鶩官倉等伏食行將問征途滿眼西山碧
懦微莫如我往往從險艱譬之驅山藥八鑿困天關豈
惟物適性成功亦良難風煙念何地野水長松閒
出處士大節倚伏殊茫茫絕交苟不作自足存嵇康哲
人乃知機曲士迷其方顧我類社櫟匠石端相忘
問舍前年秋已買潭西地高明鬼所瞰聊取風雨蔽瀕
溪樹嘉禾成陰十年計仍當作茅舍名之以今是
斯言已說說要未離憂患何時但飲酒減否了不閑不
飲逝者多秋草麒麟閱懷式竹林人吾方仰高山

七月還祁

洪河注天南兵氣橫高穹我從兵前來歸心疾驚鳴官
柳未搖落蓮荇香濛濛吏舍在前村舊年養疎慵爰自
三軍去青苔瘞人蹤夕陽叩柴門歡迎來僕僮濁酒古
壘洗停觴問新松却對一床書睡鴨孤煙中土花暈湖
玉冰絃冷霜桐燈火未可親露坐茅堂東西山月中淡
夜茶煮松風到床便安寢不復知晨鍾平生幽棲心斯
言略形容人道動有患百態交相攻而我觸類真治容
鄙青紅非才見臨事叩之輒空空知難不知回飄流劇
飛蓬暫去聲利場樂佚猶無窮况於得行意蕭洒畢此
躬勿爲才者傳從渠作夔龍

庚戌九日還自上都飲酒於西崑以野水竹

閒清秋巖酒中綠爲韻

鷄群媚稻梁老鶴日踈野人言隨其流故有不同者
骨相乃封侯銅腥能使鬼文章亦可憐不直一杯水
在昔安九鼎功名照帛竹貞觀用玄成一士天下足
憂國在肉食歛玉莪清班吾曹漫浪人合眼松雲間
閑居度重九昔賢愛嘉名霜菊有正色糟床逢聖清
平生一立壑晚墜法家流一點無俗物今年真好秋
謝公旣經世永懷東西巖翠袖亂清光輕雲點風鬣
我得秋風暇鱸魚一杯酒佳人後皓歌此樂當不朽
去年哦新詩小山黃菊中年年說秋思遠目驚高鷗
避我生處樂陵谷異風俗南枝吾永安笑撫西崑綠

小飲邢品夫家因次其韻

東風初度野梅黃醉我東山雲霧牕只今相逢暮春月
夜牀風雨翻寒江人生離合幾春事霜雪行侵青鬢雙
大梁一官且歸去酒腸雲夢吞千缸

閒居漫興

歸田不早計歲月易云徂但要追蓮社何須賜鏡湖籜
書欺俗吏繩墨守愚儒安得如嵇阮相從與不孤

師還求歸鎮陽

春風卷甲有歡聲漸識天公欲諱兵節物無情新歲換
男兒易老壯心驚落身世網癡仍絕挂眼山光計未成
聞道恒陽似江國一官漫學阮東平

初卜潭西新居

喬木千章畫不如白鷗煙雨到江湖誰爲求仲營三徑
竊比揚雄有一區故國興亡樹如此他年聲利蔓難圖
屋西便與秋山約莫遣歸來見白頭

寄王仲侯

冰簟風簾千柱宮月華清浸雪芙蓉誰教曉馬三千里
好在行雲第幾峰酒市鳥紗懷李白仙人鶴氅看王恭
拍浮花裏知恩否寄與新詩洗醉悰

有本事可
發一笑

讀疎詠之安陽對竹二詩懷家山次韻見意

短髮新霜及未侵幾年和月買泉林偶然行李對寒碧
憶得故園驚歲陰枕上秋嵐次醉夢門前沙鳥立清深

箇中須着脩脩玉落日微風伴我吟

和子文寒食北潭

夢裏潭光翠欲流何時春水一虛舟吾廬想見扶疎樹
宦意渾如浩蕩鷗聞道西山明酒面應無外物到眉頭
別來誰唱驚人句十里珠簾有莫愁

雪晴呈玉堂諸公

雪晴松頂玉爛斑曉眼清於化鶴山欲立凍雲搜傑句
却思仙客退清班攬逾帳底沉香火蒼荀花中碧霧髮
喚取廣寒脩月手月波千丈捲春還

和子文晚望

醉眼郊原感慨生夕陽長向古今明高人法士玄憎愛

美酒空名誰重輕二頃只謀他日老五絃猶喜晚風清
因君欲賦思歸樂安得穿雲一笛橫

兵府得告將還鎮陽府推官王仲侯以書促

予命駕先寄此詩

老驥心疲十二閑天教洗眼小江山名園無處不宜酒
勝日有朋方解顏老木溪光留月駐禪房竹徑約花閑
先憑樂府求風骨或有佳人字玉環

渡混同江

十年八喚清江渡江水江花笑我勞老境歸心負孤月
倦游陳迹付驚濤兩都絡繹波神肅六合清明斗極高
湖海小臣尸厚祿夢尋煙雨一漁舸

初至遵化

出山風物便清和森木如雲秀靄多白水臨流照疎鬢
青門折柳記柔柯重游化國驚歲月有象豐年占麥禾
亦有黃公酒鑪在微官自要阻山河

黃海棠

清陰不嘆晚尋芳縹緲細雲翠袖長萼綠江花輪帶葉
醉紅蜀豔恨無香南州氣味連三月東晉風流共一觴
老眼寒來易愁絕溫柔乞與醉中鄉

夜坐

吾生有幾事無涯清夜漫漫歎物華但願聞鈺似疲馬
可能粘壁作枯螭只今雪屋重衾濕去歲梅溪醉帽斜

終得蕭閑對床語青燈挑盡短擎花

槽聲同彥高賦

糟床過竹春泉句聚簷秋雨喧踈溜過竹清泉咽暗冰門巷蕭條三尺雪琴書寥落一龕燈
謗高他日人云吾亦云自愛淳音含太古誰傳清溜入南薰秋風幾共橙香注曉月曾和鶴唳聞我欲婆娑竹林國洗空塵耳正須君

韓侯晁仲許送名酒渴心生塵以詩促之

好在銀鉶秋露光借君雲夢到枯腸解澆萬里客愁破暫吐十年黃卷香江水苦搖梁苑夢海棠新學漢宮粧天東四月春如許坐待白衣投醉鄉

步尋野卉

風煙草木照人明神藥竒花問識名聞道東州有仙窟欲尋根撥學長生

癸丑歲秋郊

漫漫黃雲水清淺碧花無處亂鳴蜚此生愈覺田園樂夢裏曉山三四峯

入閔宿昌平

黃塵却送入閔山自斷何如二頃田記得鳴蜚碧花句蹉跎秋思又三年

秋日

風瑩開闔度松陰松下飄然倦客心幾點清光照涼夜何時遠寺得幽尋

高麗館中二首

蛤蜊風味解朝醒
松頂雲凝雨不晴
悄悄重簷斷人語
碧壺春筍更同傾
晚風高樹一襟清
人與縹瓷相照明
謝女微吟有深致
海山星月總閑情

西京道中

來時綠水稻如錢
歸日青梢沒鶴深
莫忘共山買田約
藕花相間柳陰陰

銀州道中

小波霜整賤於土
重品野菊大如錢
此時最憶涪翁語
無酒令人意缺然

高昌館道中

雨餘崑石古苔青
松裏珠璣萬葉明
泐泐綠畦看鷺立
深深青樾有蟬鳴

黃海棠

輕如紅豆排冰雪
一拂新鵝色更奇
不覺濃陰破明玉
有情誰解賞披離

梅華

的皪橫枝愛老崔
一尊長對畫圖開
此生端有梅華分
閑遠春風入手來

蔡太常珪

珪字正甫大丞相松年之子七歲賦菊詩語意驚人日

授數千言天德三年進士擢第後不赴選調求未見書
讀之其辨博爲天下第一歷澄州軍事判官三河簿正隆
三年銅禁行官得三代以來鼎鐘彝器無慮千數禮部
官以正甫博物且識古文奇字辟爲編類官丁父憂起
復翰林修撰同知制誥改戶部員外郎大常丞朝廷稽
古禮文之事取其議論爲多大定十四年由禮部郎中
出守濰州道卒有續歐陽文忠公集錄金石遺文六十
卷古器類編三十卷補南北史志書六十卷水經補七
四十篇晉陽志十二卷金石遺文跋尾一十卷燕王墓
辨一卷傳于世國初文士如宇文大學蔡丞相吳深州
之等不可不謂之豪傑之士然皆宋儒難以國朝文派

論之故斷自正甫爲正傳之宗党竹谿次之禮部閑閑
公又次之自蕭戶部真知倡此論天下迄今無異議云

野鷹來

南山有奇鷹冥穴千仞山網羅雖欲施藤石不可攀鷹
朝飛聳肩下視平蕪低健狐躍兔藏何遲鷹暮來腹肉
一飽精神開招呼不上劉表臺錦衣少年莫留意飢飽
不能隨爾輩

撞水行

舡頭傳鐵橫長錐十五五張黃旗百夫袖手略無用
舟過理棹徐徐歸吳儂笑向吾曹說昔歲江行苦風雪
揚鎗啓路夜撞水手皮半逐冰皮裂今年窮臘波溶溶

安流東下閼篙工江東賈客借餘潤貞元使者如春風

讀史

夏氏不無釁作孽生妖龍蒼姬丁亥期玄蜃游後宮天
心未悔禍墜此文武功糜弧漏天網哲婦鷓臯同狂童
一何愚巧言惟爾後殷鑒不云遠覆車還踰蹠坐令周
南詩悲入黍離風君肴後庭曲曾笑驪山峯

醫巫問

幽州北鎮高且雄倚天萬仞蟠天東祖龍力驅不肯去
至今鞭血餘殷紅崩崖暗谷森雲樹蕭寺門橫入山路
誰道營丘筆有神只得峰巒兩三處我方萬里來天涯
坡陀繚繞昏風沙直教眼界增明秀好在嵐光日夕佳

封龍山邊生處樂此山之間亦不惡他年南北兩生涯
不妨世有揚州鶴

讀戎昱詩有作

我家北潭邊溪流臥衡門俗客自不來好客時開尊路
人或不知云是渭南村底事半年別此懷誰與論
來時迺郊林木未秋未老借筋數歸日迺復見冬杪心
馳倚門望望我綿綿道慙愧戎子詩在家貧亦好

感寓

九官名世人制作歸一變達樂不達禮漢儒言足嗤古
人寓意耳結髦持鍛錐俗子未易識絕藝聊相推坐令
編簡門亦以專門奇疑是堂堂張長史措妙世莫知謂

予言不信願視卽官碑

風竹如水聲

好竹風淅淅流水聲冷冷吾廬兼有此要是佳友生北
窓午夢斷冷簟無飛蠅端疑故人至喚作寒泉鳴攬衣
起徘徊自笑還自驚無須問形似自可名雙清

荷香如沉水

新荷翠參差十畝藏漪瀾臨風倚雲蓋過雨驚珠盤夕
陽香四來坐我西欄干三徑未論菊九畹空羞蘭聊分
海南珍炷之古博山誰能品優劣待以季孟間

鄰壘如江村

斜川一壺至川東三四家籬落半流水茁茁青蒲芽我

爲水邊游月魄舒晴華隔籬見燈火兒語時紛拏想像
澤南州寄興棲雲霞從渠非知音我意亦自嘉

保德軍中秋

定羗城下河南流定羗城上三層樓使君置酒勞行役
今夕何夕當中秋孤煙落日明天末洶湧碧雲俄暮合
惺惺騎馬雨中歸造物戲人無乃虐純如戍鼓方三更
夢回一室還虛明出門驚笑遽如許浮雲四卷秋天清
誰家高會舉珠箔笑語聲從雲外落倦客明朝又短亭
行人何似居人樂

雪擬坡公韻

門外黃昏噪晚鴉瑤塵細逐九雲車豐年待作三登兆

暮景重開六出花濁酒無人同此興扁舟有客訪誰家
明朝試望東林樹百尺寒梢倚玉叉

登陶唐山寺

嶺外高槐驛路長嶺頭蕭寺俯朝陽定知絕頂有佳處
聊與瘦藤尋上方千里好風隨野色一軒空翠聚山光
道人底是怜行役不惜禪床坐午涼

到廣河

清漳節物似清江不復尊鱸夢故鄉歷下果能留太白
鏡湖端是屬知章身隨客路常岑寂心與沙鷗共渺茫
尚困馬蹄三百里小舟聊與過滄浪

簡王温父昆仲

荷鈿小小半溪香槐幄陰陰一畝涼飛絮亂將春色晚
行雲閑屬暮山長求田已喜成三徑適意真堪寄一觴
君是山陰換鵝手可無傑句傲風光

秋日和張温仲韻二首

琴裏忘憂盡日彈百憂俱息夜初闌青燈把卷逢真味
綠酒傾尊破薄寒月色半留梧影上露華應到菊花團
在家須信貧猶好夢想人間行路難
照水疎林万木蒼迥軒爽氣一襟涼有時獨聽溪春坐
無事方驚晝景長雲薄西山聊隱見煙橫白鳥去微茫
可憐騎省多秋思拘士安能識大方

和彦及牡丹時方北趨薊門情見乎辭

舊年京國賞春濃，千朵曾開共一叢。好事祇今歸北圃，知音誰與醉東風。臨觴笑我官程遠，賦物輸君句法工。却笑燕城花更晚，直應迤得馬家紅。

戲揚新城

長短亭中竟日忙，解鞍初喜水雲鄉。風前列席花鈿秀，雨後行厨杏粥香。春色紛紛驚過眼，歌聲故故促傳觴。蓬萊殿下同年客，定笑狂夫老更狂。

和曹景蕭暮春即事

戶部尚書望之

瓮頭春色開重，耐門外春風改。被衣灼灼，向來花又笑。翩翩幾處燕，于飛山陰未辨。羲之集沂上，聊從點也歸。節物驚心，遽如許，却因覩化識天機。

并門無竹舊矣，李文饒嘗一植之。至今寺僧日爲平安報，其難可知。已官舍東堂之北，種碧蘆以寄意，因作長句。

青君那肯顧寒鄉，試着葭蘆擬汶篁。有若何堪比夫子，虎賁猶想見中郎。色添新雨簾櫳好，聲入微風枕簟涼。他日東堂慙政拙，只將此物當甘棠。

春陰

城上春陰暗晚空，城頭山色有無中。似聞啼鳥來幽樹，已有游絲曳好風。流水小橋歸未得，落霞孤鶩興無窮。林花不解東君意，邀勒遊人未破紅。

初至洛中

水北醪醑半欲芳長條十丈更餘長春風得得憐羈客
借與窓櫺六日香

霄川道中

扇底無殘暑西風日夕佳雲山藏客路煙樹記人家小
渡一聲櫓斷霞千點鴉詩成鞍馬上不覺在天涯

飲陳氏第代主人留客

風定息林葉雨晴開夕陽停歌方待月插羽且傳觴文
舉客常滿次公醒亦狂更闌君莫去促席就新涼

寄通州王倅

長夏少人事官閑簾戶深枕涼秋入夢林密翠交陰適
欲非吾事謀閑遂此心絕交吾豈敢覓句識知音

出居庸

亂石妨車轂深沙困馬啼天分斗南北人問日東西側
脚柴荆短平頭土舍低山花兩三樹笑殺武陵溪

葵花

北墉開處葉森森政以多花負賞音小智區區能衛足
孤忠耿耿祇傾心

讀史

伯陽名迹世人知太史成書未免譏不是道家齊物我
豈容同傳着韓非

閭山

西風絕境撫孤松千里川原四望通但恠林梢看鳥背

不知身到碧雲中

十三山下村落

問山盡處十三山溪曲人家畫幅間何日秋風半篙水
小舟容我一蓑閑

暮春

陌上歌聲枕上聽秋千梧影兩亭亭春風三月正花好
曉日一竿初酒醒

即事

竟日開編樂有餘古人妙處不欺予胸中更着五千卷
未到漢家城旦書

燕山道中 三首

欵段乘涼未五更徐河十里霧中行前村煙樹望不見
欲到忽聞雞犬聲

獨輪車重汗如漿蒲結芒鞋亦販商我自行人更伶汝
却應達者笑予狂
燕南趙北困風埃投宿雲居眼暫開明日都門選官路
逢人羞道見山來

太白捉月圖

寒江覓得釣魚舡月影江心月在天世上不能容此老
畫圖常看水中仙

雪谷早行圖

冰風刮面雪埋屋客子晨征有底忙我欲題詩還自笑

東華待漏滿靴霜

華亭圖

頭無片瓦足無土不犯清波過一生釣得金鱗便歸去
依然明月大江橫

畫眉曲七首

接外春山幾點螺樓頭望處染雙蛾不知深淺隨宜否
却倩菱華問眼波
小閣新裁寄遠書書成欲遣更踟躕黛痕試與雙雙印
封入雲牋認得無
纖葉斜橫蜀柳條拂成風思自妖嬈元和才子才猶拙
只對春風詠舞腰

畫手新翻十樣圖西巡故事出成都憑君列置華堂上
與問丹青解語無
龍尾雲根玉作紋紋間有月半痕新若為喚取文姬輩
分付雲窗筆下春
未識春愁識曉醒嬌啼恰恰似雛鷺日高阿母嗔粧脫
促畫鴉兒轉不成
時世華粧巧鬪春張卿態度獨清新五陵年必多才思
數點章臺走馬人

高內翰士談

士談字子文一字季默宋韓武昭王瓊之後宣和末任
忻州戶曹仕國朝為翰林直學士皇統初預宇文大學

之禍有蒙城集行于世如云寒花貪晷日瘦竹強秋霜
又題禹廟云可憐風雨晁晁苦後世山河屬外人時人
悲之子公振字特夫亦有詩名

梨花

中原節物正梨花配寒食黃昏一雨過蒲地嗟狼籍塞
垣春已深花事猶寂寂朝來三月半初見一枝白爛熳
雪有香瓏鬆玉仍刻芳心點深紫嫩葉裁輕碧懶慢不
出門雙鉞貯春色殷勤遮老眼邂逅慰愁夕一樽對花
飲况有風流客酒闌思故鄉相顧空歎息

將赴平陽諸公祖席分韻作

灞橋波似箭南浦草如裙此夜燈前淚他年日暮雲醉

和醒一半悲與笑相分莫作陽關疊愁多不忍聞

予所居之南下臨短壑因鑿壁開窓規爲書
室坐獲山林之趣榜曰野齋且作詩約諸友

同賦

我本麋鹿姿強服冠與簪束縛二十年夢寐遊山林
謁來古晉國官舍南城陰鑿壁取踈豁開窓舒滯淫山光
射几席野色供登臨怡顏盼庭柯明日增遙岑草木沾
榮落雲煙自浮沉玩彼物色變感此歲月侵兀坐獨無
人窺簷轉幽會誰知城市中闕若郊居深巷陋顏子樂
地偏陶令心一室亦何有狼藉書與琴晴暉朝徙倚皎
月夜相尋欲賦畔字愁先爲梁父吟詩成輒自和酒熟

時孤斟結茅會有期種竹當及今日來官更忙塵埃滿
衣襟暮歸唯憊臥筋力殊不任常思返丘壑豈願紆朱
金遙知北山處猿鶴餘清音

春愁曲

壓花曉露萬珠冷金井唧啞轉纖縷寶塔寂寂苔紋深
東風搖碎湘簾影芙蓉帳暖春眠重窗外啼鴉喚新夢
推枕起來嬌翠顰一線沉煙困金鳳游絲飛絮俱悠颺
慵倚繡床春晝長郎馬不嘶芳草暗半篩急雨飛橫塘

次韻東坡定州立春日詩

柳色看猶未梅花折已堪流年空客恨舊事與誰談落
日窺愁絕東風半醉酣雲深歸曉鴈水暖浴春蠶從事

左下潭

終無愧空餐色有慚家山方杳杳官府謾覃覃隱几心
猶靜焚香臯觀參語新怜鵲喜聲鄙惡鴟貪迹迹何時
定歸心不厭南佳辰近燒燭盛事憶傳柑學業虛千卷
生涯守一庵誰能吊雙影無月不成三

集東坡詩贈程大本

十圍偏腹貯天真謀道從來不計身公業有田常乏食
陶潛無酒亦從人異同更其疑三語飢飽終同寓一塵
待我南游載君去扁舟歸釣五湖春

曉起戲集東坡句二首

簾紋如水帳如煙一榻清風直萬錢困臥北窓呼不起
老夫風味也堪怜

清風終日自開簾
吏散空庭雀噪簷
午醉醒來無一事
地偏心遠似陶潛

秋興

鼓角邊城暮
關河古塞秋
淵明方止酒
王粲亦登樓
搖蕩傷殘歲
淒遲憶故丘
乾坤尚傾仄
吾敢嘆淹留

村行

墟落依林莽
茅廬出短牆
兒童避車馬
父老饋壺漿
半濕田新雨
猶青棗未霜
逢人問豐歉
一一歎聲長

不眠

不眠披短褐
曳杖出門行
月近中秋白
風從半夜清
亂離驚昨夢
漂泊念平生
泪眼依南斗
難忘去國情

秋晚書懷

蕭蕭霜秋晚
荒荒塞日斜
老松經歲葉
寒菊過時花
天闊愁孤鳥
江流憫斷槎
有巢相喚急
獨立羨歸鴉

早起

曉起先烏鵲
愁多竟不眠
風霜嚴塞草
星月淡秋天
落葉親携帚
垂瓶自汲泉
禁門朝萬馬
魂斷憶當年

春日

遲日回輕暖
東風掃積陰
客愁眉上見
春意柳邊尋
健犢躬耕計
歸鳴去國心
醉鄉如可隱
會放酒杯深

庚戌元日

舊日屠蘇飲最先
而今追想尚依然
故人對酒且千里

春色驚心又一年習俗天涯同爆竹風光塞外只寒煙
殘年無復功名望志在蘇君二頃田

次伯堅韻

公道向來惟白髮浮生何處用黃金東風吹散三年恨
春色驚回萬里心急景只教人貌改滄溟不放酒杯深
異時儻及公榮酌准擬歸來臥柳陰

次韻飲高夫家醉中作

月中招得飲中仙草露吹風洒淨便地有溪山真可樂
人如冰雪自無眠清新李白詩能勝勃率張憑理最玄
功業本非吾輩事此身聊復闢尊前

晚登遼海亭

燈臨酒面洒清風竟日憑欄興未窮殘雪樓臺山向背
夕陽城郭水西東客情到處身如寄別恨他時夢可通
自歎不如華表鶴故鄉常在白雲中

風雨宿江上

風雨蕭蕭作暮寒半晴煙靄有無間殘紅一抹沉天日
翠濕千重隔岸山短髮不羞黃葉亂寸心常美白鷗閑
濤聲午夜喧孤枕夢入瀟湘落木灣

揀棠

閑庭隨分占年芳裊裊青枝淡淡香沆落孤臣那忍看
十分深似御袍黃

雪

我斂天花落未休寒梅疎竹共風流江山一色三千里
酒力消時正倚樓

苦竹

密葉脩莖雨後新肯因憔悴損天真清如南國紉蘭客
瘦似西山採蕨人

睡起

平生心性樂踈慵多病追歡興亦空睡起不知春已老
一簾紅雨杏花風

楊花

來時官柳萬絲黃去日飛毬滿路傍我比楊花更飄蕩
揚花只是一春忙此詩亦嘗載鐸林集中然子文集是
其子特夫手鐸悉無誤收者故從之

道中

鳴鳩逐婦婦欲去燕子引雛雛不來樹底樹頭千點雨
山南山北一聲雷

丙寅刑部中二首

世事邛邛枕歸心渭上舟魯來無朕兆意外得倖囚忠
信天堪伏清明澤自流藜羹猶火食永愧絕糧丘
幽囚四十日坐穩亡藜束縲紲元非罪艱難已倍嘗全
家音頓阻孤枕夢難忘會有相逢日牽衣話更長

二月十一日見桃花

鳴鳩天色半陰晴竹屋松窗老寸心閉戶不知春早晚
桃花紅淺柳青深

志隱軒

家居瀟灑似江村花草侵階水映門元亮結廬山挂眼
孔融好客酒盈尊肯教軒冕移心志未厭林泉入夢魂
我亦平生倦游客一壘無處問東阡

偶題

羨他田父老於農遠是莊西與舍東不似宦游情味惡
半生常在別離中

馬御史定國

定國字子卿在平人唐中令周裔孫少日志趣不凡宣
政末題詩酒家壁有蘇黃不作文章伯童蔡翻爲社稷
臣之句用是得罪亦用是得名阜昌初遊歷下亭以詩

撼齊王豫豫召與語大悅授監察御史仕至翰林學士
石鼓自唐以來無定論子卿以字畫考之云是宇文周
時所造作辨餘萬言出入傳記引據甚明學者以此蔡
正甫燕王墓辨初學詩未有入處夢其父與方寸白筆
從是文章大進自號齋堂先生有集傳于世

宿田舍

狂風作帚掃春陰投宿田廬話古今尊俎只如平日常
干戈方識故人心淒涼一樹梅花發迤邐千門柳色深
天子蒙塵終不返酒酣相對淚沾襟

清平道中

棘林苦苴野花黃一馬駸駸渡溧陽別墅酒旗依古柳

點溪花片落新香伏波事業空歸漢都護田園不記唐
今日清明過寒食又將書劔客他鄉

登歷下亭有感

男子當爲四海遊又携書劔客東州煙橫北渚芟荷晚
木落南山鴉鴈秋富國桑麻連魯甸用兵形勢接營丘
傷哉不見桓公業千古遶城空水流

長相思

歷歷春陽被群木白沙淺水明如鵠結廬聊可障雨風
學道未能充耳目故人居紫翠傍枳籬日落青山長
歲云晏矣不可見望盡楚天飛鳥行

客懷

結髮游荆楚勞心惜寸陰草長春逕窄花落曉煙深穀
早惟祈兩年飢不問金三齊雖淡薄畝此亦何心

招康元質

此生亦著定如何不傍耕疇即釣蓑北阜平蕪隨鳥遠
東湖新漲與天多詩成重墨題飛葉睡起輕芒踏軟莎
猶有客愁銷不盡風軒茶竈待君過

雨晴離開化寺

澗谷流秋水樓臺入暮寒連城遭雨積一日得泥乾利
劔青鯊室名駒白鐵鞍回頭樓隱地風樹響珊珊

秋日書事

南山悠悠去天尺雀寒未脫爭投棘野人籬落不勝荒

溪欲絕流堆亂石小園蔬藥知有無未免杖藜煩兩屐
霧蒙甘菊細莖紫風動牽牛晚花碧鄰舍翁歸竹几空
秋天日落松窓寂小盃翻酒足自娛閭巷浮沉真可惜

讀莊子

吾讀漆園書秋水一篇足安用十方言磊落載其腹北
風熟粗梨冷日照鳴鵠人生固多事端坐至秉燭

雪霽

高巖旭日吐深頰雪霽樓臺白玉京獨往南塘探春色
琵琶花下竹雞鳴

寒食

燕泥半落鳥衣巷柳色全添綠綺窓且伴丁香過寒食

弄晴蝴蝶一雙雙

揚休烈村居

籬落牽牛放晚花西風吹葉滿人家閉門久雨青苔滑
時見鴛鴦下白沙

游何氏園

八尺龍蛇薜荔墻瘦松踈竹更蒼涼梅花映水無人見
隔岸飛來片片香

四月十日遇周末昌二首

竹裏涓涓雨未晴日高窓牖受虛明數家燕雀青雛出
是處園林綠穎成貧覺酒盃真有味病思丘壑豈無情
東山舊隱許相過他日秋原看耦耕

幼時種木已巢鷲猶向花前作酒顛郭外青山招曉出
園中明月照春眠世無蕪黃六七子天斷文章三十年
今日逢君如舊識醉持杯酌望青天

過李湘

數樹高槐散乳鴨時於缺處見黃花涼風不斷如流水
相對胡床坐日斜

雪

紅樓翠瓦不禁寒欲剪梅花去路難淨掃竹亭聊飲酒
恰如明月照金盤

懷高圖南

劉又一狂士尚得韓愈知君才百劉又知者果其誰三

隨計吏貢躡屩游京師文章善變化不以一律持碧海
涵萬類青天行四時去年高唐別河柳搖風枝今年清
明飲高花見辛夷茲來又幾日軍檄忽四馳尺書無處
寄相見果何期白日開龍蛇黃塵笳鼓悲春風獨無憂
吹花發江涓一杯送歸鴈萬里寄相思

送王松年之汶上

去去東平道飛轅不可攀地鄰邾子國天近穆陵關
俗徵前事移家卜好山溪堂醉花月春興幾時還

香巖病中

九州四海盡行路萬戶千門非我家金彈不徒驚燕雀
春雷終待起龍蛇

題崇子中庵

羨君高節似陶潛五畝園林老不添
遜世人情雖淡薄
開門秋色自清嚴
案頭黃卷香終日
砌下蒼苔雨一簷
後夜中秋更應好
隔窗雲木看飛蟾

郢州城西

秋江白水浪花鹿墟
落人歸鳥自呼
新月高城三百雉
角聲吹徹小單于

送圖南

壺觴送客柳亭東
回首三齊落照中
老去厭陪新客醉
興來多與古人同
戍樓藤角垂新綠
山店檉花落細紅
他日詩名滿江海
薺堂相見兩衰翁

秋日書事

井邊蕙苒吐秋珠
舍下瓜區雜芋區
世道未夷聊小隱
不須辛苦著潛夫

村居五首

溪頭梅是去年花
閑日初長逕竹斜
向晚孤煙三十里
不知樵唱落誰家

蠶蠟成蛾桑柘稀
海棠花發照窓扉
離騷讀罷無人會
獨立溪南看夕暉

五月南風化蟪蛄
野塘晚筍未成蒲
檉花落盡紅英細
沙渚鴛鴦半引雛

柿葉經霜菊在溪
天寒落日見雞棲
四家有客菊新酒

紅葉蕭蕭蓋芋畦

歲暮行人竟不來
空吟溪樹覓寒梅
何時消盡閑山雪
收拾春風入酒盃

宣政末所作二首

蘓黃不作文章伯
童蔡翻爲社稷臣
三十年來無定論
到頭姦黨是何人

山杏山桃取次開
紅紅白白上樓臺
移將海底珊瑚樹
乞與人家也不栽

中州甲集卷終

程